

浣花集十卷

杜陵書莊

明人藍格鈔本

善堂拙齋甄賞精舍藏書

壬辰初秋沽上所收十一月重裝訖記



浣花集序

餘家之兄莊自庚子亂離前凡著歌詩文章數十通
屬兵火迭興簡編俱墜唯餘口誦者所存無幾爾後
流離漂泛寓目緣情子期懷舊之辭王粲傷時之製
或離群軫慮或反袂興悲四愁九愁之文一詠一觴
之作迄今癸亥歲又綴僅千餘首庚申夏自中諫

辛酉春應聘為西蜀奏記明年浣花溪尋得
杜工部舊止雖蕪沒已久而柱砥猶存因命芟夷結
茅為一室蓋歆思其人而成其處非敢廣其基構耳



藹便因閑日錄兄之藁草中或默記於吟詠者次為
目之曰浣花集亦杜陵所居之義也餘今之
所製則俟為別錄用繼于右時癸亥年六月九日藹
集

浣花集目錄

第一卷

今體詩凡四十八首

章臺夜思

劉得仁墓

號州澗東村居作

對酒

途中望雨懷歸

延興門外作

下第題青龍寺僧房

送日本國僧敬龍歸

尹喜宅

古別離



杜陵韋莊



柳谷道中作却寄甘棠薛負外李友使

灞陵道中作

歎落花

宮怨

關河道中

題盤豆驛水館後軒

梁氏水齋

曲江作

嘉會里閑居八首

夏夜

早發

寓言

對雪獻薛常侍

題裴端公郊居

登咸陽縣樓望雨

貴公子

聽趙秀才彈琴

觀獵

三堂東湖作

放榜日作

息兵

翠碧鳥

贈孫仁本尊師

谷楊迢書批緘後

如歸館有懷

舟行見拂水薔薇

荔枝三首

寄上兄長

寶劍

登南神光寺塔院

雨賢

再思

有矚

秋深閑興

故都

夢仙

贈吳顛尊師

送人棄官入道

感事三十四韻

向隅

杜後

息慮

早起探春

味道

裏娜

秋郊閑望有感

翫紅薇醉題

有聞戲贈鄭左丞

達京洛親友

夢中作

閩相相召回泊

建溪灘波

抵尤溪縣

此翁

多情

失鶴

卜隱

晨興

暴雨

山院避暑

對酒賦友人

天井關

贈邊將

春日

今早秋夜作

寄江南逐客

冬夜

又聞荆湖相次陷沒

家叔南遊却歸因獻賀

楚行吟

第三卷

今體詩凡三十九首

洛陽吟

過舊宅

喻東軍

清河縣樓作

北原閑眺

贈戍兵

觀軍迴戈

中渡晚眺

河南別村業閑題

聞官軍繼至

未觀凱旋

和集賢侯學士分司一丁侍御秋日雨齋韻作

題安定張使君

頻陽縣

寄園林主人

洛北村居

對梨花贈皇甫秀才之春

村笛

題李斯傳

贈薛秀才

和元秀才別業書事

紀村事

題許仙師院

離筵訴酒

不寐

贈武處士

題吉澗盧拾遺莊

題潁源廟

東遊遠歸

新正日商南道中作寄李明府

春暮

哭麻處士

春早

和友人

春愁

晚春

題渾許詩卷

贈禮佛名者

殘花

第四卷

今禮詩凡四十首

上元縣

江上逢史館李學士

金陵圖

謁蔣帝廟

聞再幸梁洋

王道者

陪金陵府相中堂夜宴

和侯秀才同友生泛舟溪中相招之作

贈野童

代書寄馬

題淮陰侯廟

送崔郎中

潤州顯濟閣曉望觀浙西相府畋遊

官莊

解維

雨霽池上作吳侯學士

寓言

哭同舍崔員外

題姑蘇凌處士莊

過當塗縣

江亭酒醒却寄維揚餞客

臺城

贈漁翁

過揚州

寄右省李起居

鐻白

漳亭驛小櫻桃

酬吳秀才

對雨獨酌

夏初與侯補闕江南有約同泛淮汴西赴行朝

後補闕至泗上捐館迴首悲慟因成四韻弔

之

汴堤作

旅次甬西因感有作

自孟津舟西上雨中作

含山店夢覺作

題貂黃嶺官軍

過內黃縣

雜感

垣縣山亭李書記山居不遇留題河次店

送人遊并汾

第伍卷

今體詩凡二十八首

李氏池亭十韻

遣興

婺州和陸諫議將赴闕懷陽美山居

江上題所居

寄謝王捨遺除降訪

將卜蘭芷村居留別郡中在任

和陸諫議避地寄東陽進退未決見寄

山墅閑題

江上逢故人

旅中感遇寄呈李祕書昆仲

送范評事入關

東陽酒家贈別二首

江上村居

江外思鄉

和鄭拾遺秋日感事一百韻

夢入關

送人歸國

聞春鳥

櫻桃樹

獨鶴

新栽竹

稻田

庭前菊

燕來

倚柴關

題七步廟

語松竹

第六卷

今體詩凡十七首

不出院楚公

江邊吟

送李明府入關

送王先輩南歸

夜雪泛舟遊南溪

江行西望

銅儀

含香

春雲

雲散

袁州作

題謝秀才所居

謁巫山廟

鷓鴣

宿蓬船

送李秀才歸荆溪

送省上人遊福建

第七卷

今體詩凡二十六首

建昌渡暉吟

歲除對王秀才作

酒渴愛江清

和李秀才春郊十韻

泛鄱陽湖

黃藤山下聞猿

章江作

南遊富陽江中作

過琵琶洲和韻

九江逢盧員外

南昌晚眺

衢州江上別李秀才

湘中作

桐廬縣作

東陽賜別

寄湖州舍弟

過仙人城月巖山有題

婺州水館

重陽日作

避地越中作

撫州江口雨中作

信州溪岸夜吟作

訪潯陽友人不遇

再遇僧益大德

西塞山下作

齊安郡

夏口行寄婺州諸弟

第八卷

今體詩凡九首

南省伴直

鄆杜舊居二首

寄江南諸弟

投寄舊知

癸丑年下第獻新先輩

題汧陽縣馬跑泉李學士別業

絳州過夏留獻鄭尚書

綏州作

第九卷

今體詩凡十二首

與東吳生相遇

庭前桃

丙辰年鄜州遇寒食城外醉吟五首

宜君縣北卜居不遂留題王秀才別墅二首

鄜州留別張員外

病中聞相夜宴戲贈集盧學士

出聞

第十卷

今體詩凡首

過樊川舊居

長安舊里

過漾陂懷舊

汧陽間

焦崖閣

雞公憤

壬辰八月初七日余偕慈孫北上於天津下車漫游一日此余
舊游之地也前塵夢影依稀如昨秋風襲人衣袂散步
閱肆于商場中書舖見舊鈔數種而以此藍格寫本
浣花集為最佳此集有正德刻本不知身此異同如何

旅中無書無從考定唯知其所從出必甚古而已舊藏於
西園香雪軒堂額聲聲養拙齋江國源齋其精舍三百年
中未離吳下後歸盛氏意園遂入掌熟公前氏同蘇南歸之
日此本未携以俱遂流出也惜為妄人塗抹必字以楷法正之
大似美人點面暇當付工重裝一割去之墨筆校改亦有二
人其一較舊凡有背鈔空字六一補之審視可辨也今夜
少暇展書題記

壬辰中秋前四日北京王廣福斜街旅寓
鐫鼓齋中記小燕為黃世衣書



浣花集目錄卷終

浣花集卷第一



杜陵韋莊



今體詩凡四十八首



章臺夜思



清瑟怨遙夜，遶弦風雨哀。
孤燈聞楚角，殘月下章臺。
芳草已云暮，故人殊未來。
鄉書不可寄，秋鴈又南迴。

延興門外作

芳草五陵道，美人金犢車。
綠奔穿內水，紅落過墻花。
馬足倦遊客，鳥聲歡酒家。
王孫歸去晚，宮樹欲棲鴉。

劉得仁墓

至公遺至藝終抱至冤沈名有詩家業身無戚里心
桂和秋露滴松帶夜風吟冥冥知春否墳蒿日已深
下第題青龍寺僧房

千蹄萬轂一枝芳要路無媒果自傷題柱未期歸蜀
國曳裾何處謁吳王馬嘶春陌金羈鬧鳥睡花林繡
羽香酒薄恨濃消不得却將惆悵問支郎

號州澗東村居作

東南騎馬出郊坳回首寒煙隔郡城清澗漲時翹鷺

喜綠桑疎處哺牛鳴兒童見少生於客奴僕驕多倨

似兄試望家田還自滿畦秋水稻苗平通
通自下為一字
於高此笑

送日本國僧敬龍歸

扶桑已在渺茫中家在扶桑東更東此去與師誰共
到一船明月一帆風

對酒

何用巖棲隱姓名一壺春耐可忘形伯倫若有長生
術直到如今醉未醒

尹喜宅

荒原秋殿拍蕭蕭。何代風煙占寂寥。紫氣已隨仙仗
去。白雲空向帝鄉消。濛濛暮雨春雞唱。漠漠寒蕪雪
兔跳。音條欲問靈蹤無處所。十洲空闊闡山遙。

途中望雨懷歸

滿空寒雨慢霏霏。去路雲深鎖翠微。牧豎遠當煙草
立。飢禽閑傍渚田飛。誰家樹壓紅榴折。幾處籬懸白
菌肥。對此不堪鄉外思。荷蓑遙羨釣人歸。

古離別

晴煙漠漠柳鬢鬢。不那離情酒半酣。更把馬鞭雲外

指斷腸。春色在江南。

柳谷道中作却寄

月字二子持送

馬前紅葉正紛紛。馬止離情斷殺魂。曉發獨辭殘月
店。暮程遙宿隔雲村。心如嶽色留秦地。夢逐河聲出
禹門。莫恠苦吟鞭拂地。有誰傾蓋待王孫。

灞陵道中仁

仁字於衍或作仁字送

春橋南望水溶溶。一桁青山倒碧峯。秦苑落花零露
濕。灞陵新酒撥醅濃。青龍天矯盤雙闕。丹鳳襍離褰隔
九重。萬古行人離別地。不堪吟罷夕陽鍾。

秋日早行

上馬蕭蕭襟袖涼
路穿禾黍繞宮墻
半山殘月露華冷
一岸野風蓮萼香
煙外馬樓紅隱渚
渚邊雲樹暗蒼蒼
行人自是心如火
兔走鳥飛不覺長

隱渚當此
隱鳥也馬

歎落花

一夜霏微露濕煙
曉來和淚喪嬋娟
不隨殘月埋芳草
盡逐香風上舞筵
西子去時遺笑靨
謝娥行處落花鈿
飄紅隨白堪惆悵
小別穠華又隔年

宮怨

一辭同輦閉昭陽
耿耿寒宵禁漏長
釵上翠禽應不返
鏡中紅艷豈重芳
螢低夜色棲瑤草
水咽秋聲傍粉墻
展轉令人思蜀賦
解將惆悵感君王

關河道中

槐陌蟬聲柳市風
驛樓高倚夕陽東
往來千里路長在
聚散十年人不同
但見時光流似箭
豈知天道曲如弓
平生志業匡堯舜
又擬滄浪學釣翁

學一作
釣翁作

題盤豆驛水館後軒

極目晴川展畫屏
地從桃塞接蒲城
灘頭鷺占清波

立原上人侵落照耕去鴈數行天際沒孤雲一點淨
中生憑軒盡日不迴首楚水吳山無限情

梁氏水齋

獨醉任騰騰琴碁亦自能卷簾山對客開戶犬迎僧
看蟻移苔穴聞蛙落石層夜窓風雨急松外一庵燈

曲江作

細雨曲池濱青袍草色新詠詩行信馬載酒喜逢人
性為無機率家因守道貧若無詩自遣誰柰寂寥春

嘉會里閑居

豈知城闕內有地出紅塵草占一坊綠樹藏千古春
馬嘶遊寺客犬吠採花人寂寂無鐘鼓槐行接柴宸

坊一作方

夏夜

傍水遷書榻開襟納夜涼星繁愁晝熟露重覺荷香
蛙吹鳴還息蛛羅滅又光正吟秋興賦桐影下西牆

早發

嘶頻當心頻嘶

早霧濃於雨田深黍稻低出門雞未唱過客馬嘶頻
樹色遙藏店泉聲暗傍畦獨吟三十里城月尚如珪

寓言

黃金日日銷還鑄仙桂年年折又生
兔走鳥飛如未息路塵終見泰山平

對雪獻薛常侍

瓊林瑤樹忽珊珊急帶西風下晚天
皓鶴離襟飛不辨玉山重疊凍相連
松裝粉穗臨窓亞水結冰錐簇溜懸
門外寒光利如劍莫推紅袖訴金船

題裴端公郊居

暫隨紅旆佐藩方高跡終期卧故鄉
已近水聲開澗

戶更侵山色駕書堂蒲生岸脚青
刀利柳拂波心綠帶長莫奪野人樵
牧興白雲不識繡衣郎

登咸陽縣樓望雨

亂雲如獸出山前細雨和風滿渭川
盡日空濛無所見鴈行斜去字聯聯

貴公子

大道青樓御苑東玉欄仙杏壓枝紅
金鈴犬吠梧桐院朱鬣馬嘶楊柳風
流水帶花穿巷陌夕陽和樹入簾櫳
瑤池宴罷歸來醉笑說君王在月宮

聽趙秀才彈琴

滿匣冰泉咽又鳴
玉音閑澹入神清
巫山夜雨弦中起
湘水清波指下生
蜂簇野花吟細韻
蟬移高柳迸殘聲
不須更奏幽蘭曲
卓氏門前月正明

觀獵

苑牆東畔欲斜暉
傍苑穿花兔正肥
公子喜逢朝罷日
將軍誇換戰時衣
鶻翻錦翅雲中落
犬帶金鈴草上飛
直待四郊高鳥盡
掉鞍齊向國門歸

三堂東湖作

滿塘秋水碧泓澄
十畝菱花晚鏡清
影動新橋橫蛩
竅岸鋪芳草
睡鳩鶻蟾投夜魄
當湖落嶽倒秋蓮
入浪生何處
最添詩客興
黃昏煙雨亂蛙聲

放榜日作

一聲天鼓闢金扉
三十仙材上翠微
葛水霧中龍乍變
緜山煙外鶴初飛
鄒陽暖艷催花發
太皞春光簇馬歸
回首便辭塵土世
彩雲新換六銖衣

唐士高作

寄薛先輩

懸知迴日綵衣榮
仙籍高標第一名
瑤樹帶風侵物

冷玉山和雨射人龍龍翻瀚海波濤壯鶴出金籠燕
雀驚不說文章與門地自然毛骨是公卿射人清
訪含弘山僧不遇留題精舍

滿院桐花鳥雀喧寂寥芳草茂芊芊吾師正遇歸山
日閑客空題到寺年池竹開門教鶴守琴書開篋任
僧傳人間不自尋行跡一片孤雲在碧天

寄從兄遵

江上秋風正釣鱸九重天子夢翹車不將高卧邀劉
主自吐清談護漢儲滄海十年龍影斷碧雲千里鴈

行疎相逢莫話歸山計明日東風待直廬

漁塘十六韻

朱朱陽縣石嵩下老古
云洛水一派流出此山

洛水分餘脉穿巖出石稜碧經嵐氣重清帶露華澄
瑩澈通三島巖梧積萬層巢由應共到劉阮想同登
壁峻苔如畫山昏霧似蒸撼松衣有雪題石硯生水
路熟雲中客名留域外僧飢猿尋落橡鬪免墮高藤
嶮樹臨溪亞殘莎帶岸崩持竿聊藉草待月好垂罾
對景思任父開圖想不興晚風輕浪疊暮雨隰煙凝
似泛靈查出如迎羽客昇仙源終不測勝槩自相仍

欲別誠堪戀長歸又未能他時操史筆烏爾著良稱
冬日長安感志寄獻虢州崔郎中二十韻

帝里無成又滯淹別家三度見新蟾却說丹桂無人
指阮籍青襟有淚霑溪上却思雲滿屋鏡中唯怕雪
生髯病如原憲誰能療蹇似劉禎豈用占霧雨十年
同隱遁風雷何日振沈潛吁嗟每被更聲引歌詠還
因酒思添客舍正甘愁寂寂郡樓遙想病馱馱已聞
鈴閣懸新詔卽向綸闈副具瞻濟物便同川上楫慰
心還似邑中黔觀星始覺中郎貴問俗方知太守廉

宅後綠波棲畫鷁馬前紅袖簇彤旌閑招好客斟香
蟻悶對瓊花詠散鹽積凍慢封寒雷細暮雲高接遠
峰尖訟堂無事水金印水榭高吟月透簾松下圍碁
期褚胤筆頭飛箭薦陶謙未知匣劍何時躍但恐鉛
刀不再銛雖有遠心長擁兼耻將新劍學編苦纔驚
素節移銅律又見玄冥變玉籤百口似萍依廣岸一
身如燕戀高簷如今正困風波力更向人中問宋織

和薛先輩見寄初秋寓懷即事之作二十韻

玉律初移候清風乍遠襟一聲蟬到耳千炬火燃心

嶽靜雲堆翠樓高日半沈引愁憎暮角驚夢怯殘碁
露白凝湘簟風篁韻蜀琴鳥宣從果爛階淨任苔侵
柿葉添紅影槐柯減綠陰採珠逢寶窟闕石見瑶林
魯殿鏗寒玉苔山激碎金却堂流桂影陳巷集車音
名自張華顯詞因葛亮吟水深龍易失天遠鶴難尋
鑒白寧慙樂論才豈謝任義心孤劍直學海怒濤深
既覩文兼質翻疑古在今慙聞紆綠綬卽候拄朝簪
晚樹連秋塢叙陽映暮岑夜蟲方唧唧疲馬正駸駸
託跡同吳燕依仁似越禽會隨仙羽化香蟻且同斟

同舊韻

大火收殘暑清光漸惹襟謝莊千里思張翰五湖心
暮角迎風急孤鐘向暝沈露滋三徑草日動四鄰砧
簟委班姬扇蟬悲蔡琰琴方愁丹桂遠已怯二毛侵
甃石迴泉脉移棊就竹陰觸絲蛛墮網避隼鳥投林
兒愧潘郎壁文慙呂相金但埋艷獄氣未發爨相音
靜笑劉琨舞閑思阮籍吟野花和雨斲恠石入雲尋
跡竟終非切幽閒且自任趨時慙藝薄託質仰恩深
美價方稀古清名已絕今旣聞留縞帶詎肯擲蒼簪

遲音滯客虛高閣迎僧出亂岑壯心徒戚戚逸足自駸駸
駸安羨倉中鼠危同幕上禽期君調鼎罪他日俟羊斟

三用韻

素律初迴馭商飈暗觸襟乍傷詩客思還動旅人心
蟬噪因風斷鱗遊見驚沈笛聲隨晚吹松韻激遙碁
地覆青袍草窓橫綠綺琴煙霄難自致歲月易楊侵
澗柳橫孤釣巖藤架密陰瀟湘期釣侶鄆社別家林
遺愧虞卿壁言依季布金錚鏖聞郢唱次第發巴音

螢影衝簾落蟲聲擁砌吟樓高思共釣寺遠想同尋
入夜愁難遣逢秋恨莫任蝸遊苔徑滑鶴步翠塘深
莫問榮兼辱寧論古與今固窮憐危牖感舊惜高簪
晚日舒霞綺遙天倚黛岑鴛鴦方翾翾驂翼整駸駸
未化投陂竹空思出谷禽感多聊自遣桑落且閑斟

驚秋

不向煙波狎釣舟強親文墨事儒丘長安十二槐花
陌曾負秋風多少愁

登漢高廟閣眺

獨尋仙徑上高原雲雨深藏古帝壇天畔晚峯青簇
簇檻前春樹碧團團參差郭外樓臺小斷續風中鼓
角殘一帶遠光何處水釣舟閑繫夕陽灘

來陽縣浮山神廟

一郡皆傳此廟靈廟前松桂古今青山曾堯代浮洪
水地有唐臣首綠醺遶坐香風吹寶蓋傍簷煙雨濕
巖扃為霖自可成農歲何用興師遠伐邢

愁

避愁愁又至愁至事難忘夜作心中火朝為鬢上霜

不經公子夢偏入旅人腸借問高軒客何鄉是醉鄉

村居書事

年年耕與釣鷗鳥已相依砌長蒼苔厚藤抽紫蔓肥
風鶯移樹轉雨燕入樓飛不覺春光暮遶籬紅杏稀

三堂早春

獨倚危樓四望遙杏花春陌馬聲驕池邊冰刃暖初
落山上雪稜寒未銷溪送綠波穿郡宅日移紅影度
村橋主人年少多情味笑換金龜解珥貂

浣花集卷第一

浣花集卷第二

今體詩凡二十七首

雨霽晚眺

庚子年冬大
駕幸蜀後作

入谷路縈紆巖巔日欲晡
嶺雲寒掃蓋溪雪凍粘鬚
卧草踰如兔聽水怯似狐
仍聞關外火昨夜徹皇都

立春日作

九重天子去蒙塵御柳無情依舊春
今日不關妃妾事始知辜負馬嵬人

贈雲陽縣裴明府

南北三年一解攜海為深谷岸為蹊已聞陳勝心降
漢誰為田橫國號齊暴客至今猶戰鶴故人何處尚
驅雞歸來能作煙波伴我有魚舟在五溪

賊中與蕭常二秀才同卧重病二君尋愈餘
獨加焉恍惚之中因有題

與君同卧疾獨我漸彌留弟妹不知處兵戈殊未休
宵中疑晉豎耳下鬪殷牛縱有秦醫在懷鄉亦淚流
重園中逢蕭校書

相逢俱此地此地是何鄉側目不成語撫心空自傷

劍高無鳥度樹暗有兵藏底事征西將年年戌洛陽

咸通

咸通時代物情奢歡殺金張許史家破產競留天上
樂鑄山爭買洞中花諸郎宴罷銀燈合仙子遊迴壁
月斜人意似知今日事急催絃管送年華

白櫻桃

王母階前種幾株水晶簾外看如無只應漢武金盤
上瀉得珊瑚白露珠

夜景

滿庭松桂雨餘天
宋玉秋聲韻蜀絃
烏兔不知多事
世星辰長似太平年
誰家一笛吹殘暑
何處雙砧擣
暮煙欲把傷心問
明月素娥無語淚娟娟

宿山家家

山行侵夜到雲竇
一星燈草動蛇尋
穴枝搖鼠上勝
背風開藥竈向月展漁罾
明日前溪路煙蘿更幾層

長年一作感懷

長年方悟少年非
人道新詩勝舊詩
十畝野塘留客
釣一軒春雨對僧
碁花間醉任黃鶯說
亭上吟從白

鷺窺大盜不將爐冶去
有心重築太平基

辛丑年

九衢漂杵已成川
塞上黃雲戰馬閑
但有羸兵填渭
水更無奇士出商山
田園已沒紅鹿裏
弟妹相逢白
月間西望翠華殊
未返淚痕空濕劔文班

思歸

暖絲無力自悠揚
牽引東風斷客腸
外地見花終寂寞
異鄉聞樂更淒涼
紅垂野岸櫻還熟
綠染迴汀草
又芳舊里若為歸
去好子期凋謝呂安亡

憶昔

昔年曾向五陵遊。子夜歌清月滿樓。銀燭樹前長似
晝。露桃花裏不知秋。西園公子名無忌。南國佳人號
莫愁。今日亂離俱是夢。夕陽唯見水東流。

合歡蓮花

虞舜南巡去不歸。二妃相誓死江湄。空留萬古香魂
在。結作雙葩合一枝。

覽簫必先卷

滿軸編新句。翛然大雅風。名因五字得。命合一言通。

景盡才難盡。吟終意未終。似逢曹與謝。煙雨思何窮。
和人歲晏旅舍見寄

積雪滿前除。寒光夜皎如。老憂新歲近。貧覺故交疎。
意合論文後。心降得句初。莫言常鬱鬱。天道有盈虛。
宿泊孟津寄三堂友人

解纜西征未有期。槐花又逼桂花時。鴻臚陌上歸耕
晚。金馬門前獻賦遲。只恐愁苗生兩鬢。不堪離恨入
雙眉。分明昨夜南池夢。還把漁竿詠楚詞。

對酒賦友人

多病仍多感君心自我心浮生都是夢浩歎不如吟
白雪篇篇麗清醑夢夢深亂離俱老大強醉莫雲襟
天井關
太行山上雲深處誰向雲中築女牆短綆詎能垂玉
甃繚垣何用學金湯鄒開嵐翠為高壘截斷雪霞作
巨防守吏不教飛鳥過赤眉何路到吾鄉

贈邊將

昔因征遠向金微馬出榆關一鳥飛萬里只攜孤劍
去十年空逐塞鴻歸手招都護新降虜身看文皇舊
賜衣只待煙塵報天子滿頭霜雪為兵機

春日

忽覺東風一作君景漸遲野梅山杏暗芳菲落星樓上
吹殘角偃月營中掛夕暉旅夢亂隨蝴蝶散離魂一作
情漸逐杜鵑飛紅塵遮一作望斷長安陌芳草王孫暮
不歸

早秋夜作

翠簾初清暑半銷撒簾松韻送輕颿莎庭露水琴書
潤山郭月明砧杵遙傍砌綠苔鳴蟋蟀遶簷紅樹織

蠅蝨不須更作悲秋賦
王粲辭家鬢已凋

寄江南逐客

二年音信阻湘潭
花下相思酒半酣
記得竹齋風雨夜
對床孤枕語江南

冬夜

睡覺寒爐酒半消
客情鄉夢兩遙遙
無人為我磨心劍
割斷愁腸一寸苗

又聞湖南荆渚相次陷沒

幾時聞唱凱旋歌
處處屯兵未倒戈
天子只憑紅旆

壯將軍空恃紫髯
多屍填漢水
連荆阜
血染湘雲接楚波
莫問流離南越事
戰餘空有舊山河

家叔南遊却歸因獻賀

繚繞江南一歲歸
歸來行色滿戎衣
長聞鳳詔徵兵急
何事龍韜獻捷稀
旅夢遠依湘水閣
離魂空伴越禽飛
遙知倚棹思家處
澤國煙深暮雨微

楚行吟

章華臺下草如煙
故郢城頭月似弦
惆悵楚宮雲雨後
露啼花笑一年年

浣花集卷第二

...

浣花集卷第二

今體詩凡三十九首

洛陽吟

時天駕在蜀巢冠未
洛平中寓居作七言

萬戶千門夕照邊
開元時節舊風煙
宮官試馬遊三市
舞女乘舟上九天
胡騎北來空進主
漢皇西去竟昇仙
如今父老偏垂涕
不見承平四十年

過舊宅

華軒不見馬蕭蕭
廷尉門人久寂寥
朱檻翠樓為卜肆
玉欄仙杏作春樵
階前雨落鴛鴦尾
竹裏苔封蝶

竦橋莫問此中銷歇事娟娟紅淚泣芭蕉

喻東軍

四年龍馭守峨嵎鉄馬西來步步遲五運未教移漢鼎六韜何必待秦師幾時鸞鳳歸丹闕到處烏鳶從白旗獨把一罇和淚酒隔雲遙奠武侯祠

清河縣樓作

有客微吟獨凭樓碧雲紅樹不勝愁盤鵬迥印天心沒遠水斜牽日脚流千里戰塵連上苑九江歸路隔東周故人此地揚帆去何處想思雪滿頭

北原閑眺

春城回首樹重重立馬平原夕照中五鳳灰殘金翠滅六龍游去市朝空千年王氣浮清洛萬古坤靈鎮碧嵩欲問向來陵谷事野桃無語淚花紅

贈戍兵

漢皇無事暫遊汾底處狐狸嘯作群夜指碧天上晉分曉磨孤劍望秦雲紅旌不卷風長急盡角閑吹日又曛止竟有征須有戰洛陽何用丈屯軍

觀軍迴戈

關中群盜已心離關外猶聞羽檄飛御苑綠莎嘶戰
馬禁城寒月擣征衣漫教韓信兵塗地不及劉琨嘯
解圍昨日屯軍還夜遁滿車空載洛神歸

中渡晚眺

魏王堤畔草如煙有客傷時獨扣舷妖氣欲昏唐社
稷夕陽空照漢山川千重碧樹籠春苑萬縷紅霞襯
碧天家寄杜陵歸不得一迴迴首一潸然

河內別村業闢題

阮氏清風竹巷深滿溪松竹似山陰門當谷道多樵

客地帶河聲足水禽閑伴爾曹雖適意靜思吾道好
沾襟鄰翁莫問傷時事一曲高歌夕照流

聞官軍繼至未覩凱旋

嫖姚何日破重圍秋草深來戰馬肥已有孔明傳將
略更聞王道得神機陣前輦鼓晴應嚮城上烏鳶飽
不飛何事小臣偏注目帝鄉遙羨白雲歸

和集賢侯學士分司丁侍御秋日雨霽之作

洛岸秋晴夕照長鳳樓龍闕倚清光玉泉山淨雲初
散金谷樹多風正涼席上客知蓬鳥路座中寒有柏

臺霜多慙十載遊梁士却伴賓鴻入帝鄉

題安定張使君

器度風標合出鹿柱宮何負一枝新成丹始見金無
滓衝斗方知劔有神憤氣不銷頭上雪政聲空布海
邊春中興若繼開元事堪向龍池作近臣

頽陽縣

琴堂連少室故事即仙蹤樹老風聲壯山高獵候濃
雪多庭有鹿縣僻寺無鐘何處留詩客節簷倚後峯

寄園林主人

主人常不在春物為誰開桃艷紅將落梨花雪又催
曉鶯閑自轉遊客暮空回尚有餘芳在猶堪載酒來

催一作
摧

洛北村居

十畝松篁百畝田歸來方屬大兵年巖邊石室低臨
水雲外嵐峯半入天鳥勢去投金谷樹鐘聲遙出上
陽煙無人說得中興事獨倚斜暉憶仲宣

對梨花贈皇甫秀才

林上梨花雪壓枝獨攀瓊艷不勝悲依前此地逢君

處還是去年今日時且戀殘陽留綺度莫推紅袖許
金危騰騰戰鼓正多事須信明朝難重持

立春

青帝東來日馭遲暖煙輕逐曉風吹蜀袍公子樽前
覺錦帳佳人夢裏知雪圍乍開紅菜甲絲幡新剪綠
揚絲殷勤為作宜春曲題向花牋帖繡楣

村笛

簫韶九奏韻淒鏘曲度雖高調不傷却見孤村明月
夜一聲牛笛斷人腸

題李斯傳

蜀魂湘魂萬古悲未悲秦相死秦時臨刑莫恨倉中
鼠上蔡東門去自遲

贈薛秀才

相亂因避世相見尚兵戈亂後故人少別來新話多
但聞哀痛詔未覩凱旋歌欲結巖棲伴何山好薜蘿

和元秀才別業書事

僻居春事好水曲亂花陰浪過河移岸雛成鳥別林
綠錢榆貫重紅陣杏籬深莫飲宜城酒愁醉多易沈

紀村事

綠蔓映雙扉循牆一徑微雨多庭果爛稻熟渚禽肥
釀酒迎新社遙砧送暮暉數聲牛上笛何處餉田歸

題許仙師院

地古多喬木遊人到且吟院開金鑰溢門映綠篁深
山色不離眼鶴聲長在琴往來誰與熟乳鹿住前林

離筵訴酒

感君情重惜分離送我慙慙酒滿卮不是不能判酌
酹却憂前路醉醒時

不寐

不寐天將曉心勞轉似灰蚊吟頻到耳鼠鬪競綠臺
戶闔知蟾落林喧覺雨來馬嘶朝客過知是禁門開

贈武處士

一身唯一室高靜若僧家掃地留疎影穿池浸落霞
綠蘿臨水合白道向村斜賣藥歸來醉吟詩倚釣查

題吉澗盧拾遺莊

主人西遊去不歸滿溪春雨長春薇恠來馬上訴情
好印破青山白鷺飛

題頻源廟

曾是巢由棲隱地百川唯說頻源清微波乍向雲根
吐去浪遙衝雪嶂橫萬木倚簷踈幹直群峰當戶曉
嵐晴臨川試問堯年事猶被封人觀濯纓

東遊遠歸

扣角干名計已踈劔歌休恨食無魚舜家柳絮三春
半臨路槐花七月初江上欲尋漁父醉日邊時得故
人書青雲不識揚生面天子何由問子虛

新正日商南道中作寄李明府

相看又見歲華新依舊楊朱拭淚巾路雪偶因尋戴
客論文還比聚星人嵩山不改千年色洛邑長生一
路塵今日與君同避世却憐無事是家貧

春暮

一春春事好病酒起常遲流水綠縈砌落花紅墮枝
樓高喧乳燕樹密聞雛鷓不學山公醉將何自解頤

哭麻處士

却到歌吟地閑門草色中百年流水盡萬事落花空
總帳扃秋月詩樓鏤夜蟲少微何處墮留恨白楊風

春早

聞鶯絕覺曉閉戶已知晴一帶牕間月斜穿枕上生
和友人

閨門同隱士不出動經時靜閱王維畫閑翻褚允棊
落泉當戶急殘月下窓遲却想從來意誰舟亦自蠅

春愁

寓思本多傷逢春恨更長露霑湘竹淚花墮越梅粧
睡怯交加夢閑傾歛艷觴後庭人不到斜月上松篁

晚春

花開疑乍富花落似初貧萬物不如酒四時唯愛春
峨峨秦氏髻皎皎洛川神風月應相笑年年醉病身

題許渾詩卷

江南才子許渾詩字字清新句句奇十斛明珠量不
盡惠休虛作碧雲詞

贈禮佛名者

何用辛勤禮佛名我從無得到真庭尋思六祖傳心
印可是從來讀藏經

殘花

戰顰

時巢寇未平

誰謂世途陵是谷燕來還識舊巢泥

金陵圖

誰謂傷心盡不成盡人心逐世人情君看六幅南朝
事老木寒雲滿故城

謁蔣帝廟

建業城邊蔣帝祠素髯清骨舊風姿江聲似激秦軍
破山勢如匡晉祚危殘雪嶺頭明組練晚霞簷外簇
旌旗金陵客路方流落空祝迴鑿奠酒危

聞再幸梁洋

統喜中原息戰顰又聞天子幸巴西延燒魏闕非關
燕大狩陳倉不為雞興慶玉龍寒自躍昭陵石馬夜
空嘶遙思萬里行宮夢太白山前月欲依

王道者

五雲遙指海中央金鼎曾傳肘後方三鳥路岐空有
月十洲花木不知霜因攜竹杖聞龍氣為使仙童帶
橘香應笑我曹身是夢白頭猶自學詩狂

陪金陵府相中堂夜宴

滿耳笙歌滿眼花滿樓珠翠勝吳娃因知海上神仙

窟只似人間富貴家
綉戶夜攢紅燭市
舞衣情曳碧天霞
却愁宴罷青蛾散
楊子江頭月半斜

和侯秀才同友生泛舟溪中相招之作

嵇阮相將棹酒船
晚風侵浪水侵舷
輕如控鯉初離岸
遠似乘槎欲上天
雨外鳥歸吳苑樹
鏡中人入洞庭煙
憑君不用迴舟疾
今夜西江月正圓

贈野童

羨爾無知野性真
亂搔蓬髮笑看人
閑衝暮雨騎牛去
肯問中興社稷臣

代書寄馬

驅馳曾在五侯家
見說初生自渥洼
鬃白似披梁苑雪
頸肥如撲杏園花
休嫌綠綬嘶貧舍
好看紅纓入使衙
穩上雲衢千萬里
年年長踏魏堤沙

題淮陰侯廟

滿挹椒漿奠楚祠
碧幢黃鉞舊英威
能扶漢代成王業
恐見唐民陷戰機
雲夢去時高鳥盡
淮陰歸日故人稀
如何不惜平齊策
空看長星落賊圍

送崔郎中往使西川行在

拜書辭玉帳萬里鉞關長新馬杏花色綠袍春草香
一身朝玉陛幾日過銅梁莫戀爐邊醉仙宮待侍郎

潤州顯濟閣曉望

清曉水如鏡隔江人似鷗遠煙藏海島初日照揚州
地壯孫權氣雲凝庾信愁一蓬何處客吟凭釣魚舟

觀浙西府相畋遊

十里旌旗十萬兵等閑遊獵出軍城紫袍日照金鵝
鬪紅旆風吹畫虎獰帶箭彩禽雲外落避鷗寒兔月
中驚歸來一路笙歌滿更有仙娥載酒迎

官莊

江南富民悉以犯酒沒家產因此
詩諷之浙帥遂改酒法不入財產

誰氏園林一簇煙路人遙指盡長歎桑田稻澤今無
主新犯香醪沒入官

解維

又解征帆落照中暮程還過秣陵東二年辛苦煙波
裏贏得風姿似釣翁

雨霽池上作呈侯學士

鹿中藜杖葛衣輕雨歇池邊晚吹清正是如今江上
好鱗紅稻紫蓴羹

寓言

為儒逢世亂吾道欲何之
學劍已應晚歸山今又遲
故人三載別明月兩鄉悲
惆悵滄江上星星病有絲
哭同舍崔員外

却到同遊地三年一電光
池塘春草在風燭故人亡
祭罷泉聲急齋餘磬韻長
碧天應有恨斜日弔松篁
題孤蘇凌處士莊

一簇林亭返照間
門當官道不曾關
花深遠岸黃鶯鬧
雨急春塘白鷺閑
載酒客尋吳苑寺
倚樓僧看洞庭

庭山恠來話得仙
中事新有人從物外還

過當塗縣

客過當塗縣停車訪舊遊
謝公山有野李白酒無樓
采石花空發烏江水自流
夕陽誰共感寒鷺立汀洲
江亭酒醒却寄維揚餞客

別筵人散酒初醒
江步黃昏雨雪零
滿坐綺羅皆不見
覺來紅樹背銀屏

臺城

江雨霏霏江草齊
六朝如夢鳥空啼
無情最是臺城柳

柳依舊煙籠十里堤

贈漁翁

草木荷笠鬢如霜自說家編楚水陽
滿岸秋風吹枳橘遶陂煙雨種菰蔣
蘆刀夜鱠紅鱗膩水甌朝蒸紫芋香
曾向五湖期范蠡爾來空濶久相忘

過揚州

當年人未識兵戈處處青樓夜夜歌
花發洞中春日永月明衣上好風多
淮王去後無雞犬煬帝歸來葬綺羅
二十四橋空寂寂綠楊摧折舊官河

寄右省李起居

已向鴛行接鴈行便應雙拜紫微郎
綬聞闕下徵書急已覺回朝草詔忙
白馬似憐朱紱貴綵衣遙惹御爐香
多慙十載遊梁客未換青襟侍素王

鐻白

白髮太無情朝朝鐻又生始因絲一縷
漸至雪千莖不避佳人笑唯慙稚子驚
新年過半百猶歎未興兵

漳臺驛小櫻桃

當年此樹正花開五馬仙郎載酒來
李白已亡工部

死何人堪伴玉山頽

酬吳秀才雲川相送

一葉南浮去似飛。楚鄉雲水本無依。離心不忤聞春鳥，病眼何堪送落暉。摻袂客從花下散，棹舟人向鏡中歸。夫君別我應惆悵，十五年來識素衣。

對雨獨酌

榴花新釀綠於苔。對雨閑傾滿滿盃。荷鋪醉翁真達者，卧雲逋客竟悠哉。能詩豈是經時策，愛酒元非命世才。門外綠蘿連洞口，馬嘶應是步兵來。

夏初與補闕江南有約同泛淮汴西赴侯行

朝莊自九驛路先至甬橋補闕由淮楚續至

泗上寢病旬日遽聞損館回首悲慟因成長

句四韻弔之已後自折西遊汴宋路至陳倉迎駕却過昭義相州路歸金陵

作

本約同來謁帝閣，忽隨川浪去東奔。九重聖主方虛

席，千里高堂尚倚門。世德只應榮伯仲，時名終自付

兒孫。遙憐月落清淮上，寂寞何人弔旅魂。

汴堤行

欲上隋堤舉步遲，隔雲峰燧叫非時。纔聞破虜將休馬，又道征遼再出師。朝見西來為過客，暮看東去作浮屍。綠楊千里無飛鳥，日落空投舊店基。

旅次甬西見兒童以竹槍紙旗戲為陣列，主人叟曰：斯子也。三世没于陣，思所襲祖父讎。余因感之。

已聞三世没軍營，又見兒孫學戰爭。見爾此言堪慟哭，遣予何日望時平。

自孟津舟西上雨中作

秋煙漠漠雨濛濛，不卷征帆任晚風。百口寄安滄海上，一身逃難綠林中。來時楚岸楊花白，去日隋堤蓼穗紅。却到故園翻似客，歸心迢遞秣陵東。

含山店夢覺作

曾為流離慣別家，等閑揮袂客天涯。燈前一覺江南夢，惆悵起來山月斜。

題貂黃嶺官軍

散騎蕭蕭下太行，遠從吳會去陳倉。斜風細雨江亭上，盡日凭欄憶楚鄉。

過內黃縣

相州吹角欲斜陽
匹馬搖鞭宿內黃
僻縣不容投刺
客野陂時遇射鵰郎
雲中粉堞新城壘
店後荒郊舊戰場
猶指去程千萬里
秣陵煙樹在何鄉

雜感

莫悲建業荆榛滿
昔日繁華是帝京
莫愛廣陵臺榭好
也曾蕪沒作荒城
魚龍爵馬皆如夢
風月煙花豈有情
行客不勞頻悵望
古來朝市歎衰榮

垣縣山中尋李書記山居不遇留題河次店

白雲紅樹屹峴峴
東名鳥羣飛古畫
中仙吏不知何處
隱山南山北雨濛濛

送人遊并汾

風雨蕭蕭欲暮秋
獨攜孤劍塞垣遊
如今虜騎方南牧
莫過陰關第一州

浣花集卷第五

今體詩凡二十八首

李氏小池亭十二韻

時在婺州寄居作

積石亂山巉巖庭沙綠不芟小橋低跨水危檻半依巖

花落魚爭唼櫻桃紅鳥競竹鷓啄物也鳥引泉疏地脉掃

絮積漬山嵌口街古柳紅綃織新篁紫綺緘養猿秋

咲月放鶴夜棲杉枕簟溪雲膩池塘海雨鹹語空雞

逞辦砥罪犬偏飽踏蘚青粘屐攀蘿綠映衫訪僧舟

北渡貫酒日西衙遲滯客登高閣題詩遶翠崑家藏

此頁文字極其模糊，似有殘存之詩句，但難以辨認。依稀可見「好也」、「風雨」、「白雲」等字樣。

何所寶清韻滿琅函

遣興

如幻如泡世多愁多病身亂來如酒聖貧去覺錢神
異國清明節空江寂寞春聲聲林上鳥喚我北歸秦
婺州和陸諫議將赴闕懷陽羨山居

望闕路仍遠子牟魂欲飛道開燒藥鼎僧寄臥雲衣
故國燒芳草他山掛夕暉東陽雖勝地王粲奈思歸

今歸江上題所居

故人相別盡朝天苦竹江頭獨閉關落日亂蟬蕭帝

寺碧雲歸鳥謝家山青州從事來偏熟泉布先生老
漸慳不是對花長醕酌永嘉時代不如閑

婺州屏居蒙右省王拾遺車枉降訪病中延
候不得因成寄謝

三年流落卧漳濱王粲思家拭淚頻盡角莫吹殘月
夜病心方憶故園春自為江上樵蘇客不識江邊侍
從臣恠得白鷗驚去盡綠蘿門外有朱輪

將卜蘭芷村居留別郡中在仕

蘭芷江頭寄斷蓬移家空載一帆風伯倫嗜酒還因

亂平子歸田不為窮避世漂零人境外結茅依約畫
屏中從今隱去應難覓深入蘆花作釣翁

和陸諫議避地寄東陽進退未決見寄

未歸天路紫雲深暫住東陽歲月侵入落聲華當世
重閱周章句滿朝吟開爐夜看黃芽鼎卧菴閑歌白
玉簪讀易草玄人不會憂君心是致君心

山野閑題

遷迤前岡壓後岡一川桑柘好殘陽主人饋餉炊紅
黍鄰父攜竿釣紫魴靜極却嫌流水鬧閑多翻笑野

雲忙有名不那無名客獨閉衡門避建康

江上逢故人

前年送我曲江西紅杏園中醉似泥今日逢君越溪
上杜鵑花發鷓鴣啼來時舊里人誰在別後滄波路
幾迷江畔玉樓多美酒仲宣懷土益淒淒

旅中感遇寄呈李秘書昆仲

南望愁雲鎖翠微謝家樓閣雨霏霏劉楨病後新詩
少阮籍貧來好客稀猶喜故人天外至許將孤劍日
邊歸懷鄉不怕嚴陵笑只待秋風別釣磯

送范評事入關

寂寥門戶寡相親
日日頻來只有君
正喜琴樽長作伴
忽攜書劍遠辭群
傷心柳色離亭見
聒耳蟬聲故國聞
為報明年杏園客
與留絕艷待終軍

東陽酒家贈別二絕句

送君同上酒家樓
酩酊翻成一笑休
正是落花饒帳望
醉鄉前路莫回頭
杏園中翰必
今日
天涯方歎異鄉身
又向天涯別故人
明日五更孤店月
醉醒何處淚沾巾

江上村居

本無踪跡戀柴扃
世亂須教識道情
顛倒夢魂愁裏得
揆竒詩句望中生
花綠艷絕栽難好
山為看多誅不成
聞道漢軍新破虜
使來仍說近離京

江外思鄉

年年春日異鄉悲
杜曲黃鶯可得知
更被夕陽江岸上
斷腸煙柳一絲絲

和鄭拾遺秋日感事一百韻

禍亂天心厭流離
客思傷有家拋上國
無罪謫遐方

負笈將辭越揚帆欲泛湘避時難駐足感事易回腸
雅道何銷德妖星忽耀芒中原初縱燎下國竟探湯
盜據三秦地兵纏八水鄉戰塵輕犯闕羽旆遠巡梁
自此修文代俄成講武場能罷驅涿鹿犀象走昆陽
御馬迷新棧宮娥改舊粧五丁功再覩八難事難忘
鳳引金根疾兵環玉弩彊建牙雖可恃摩壘詎能防
霍廟神遐遠地橋路杳茫出師威似虎禦敵狠如羊
眉畫猶思赤巾裁未厭黃晨趨鳴鈇騎夜舞挹瓊觴
僭侈彤襟亂誼呼綉鬢攘但聞爭曳組詎見學子垂韉

鵠印新提篆龍泉奪曉霜軍威徒逼撓我武自惟揚
負宸勞天眷疑旒念國章綉旗張畫獸寶馬躍紅鴛
但欲除妖氣寧思蔽耿光曉煙生帝里夜火入春坊
鳥恠巢宮樹孤驕上苑牆設危終在德視履豈無祥
氣激雷霆怒神驅岳瀆忙功高分虎節位下耻龍驤
遍命登壇將巡封異姓王志求扶墜典力未振頽綱
漢路閑鷗鷺雲衢駐驕驩寶裝軍器麗麝哀戰袍香
日覩兵書捷時聞虜騎亡人心驚獬豸雀意伺螳螂
上略咸推妙前鋒詎可當紆金光照輝執玉意藏昂

覆餗非無謂奢華事每詳四民皆組綬九土墮耕桑
飛騎黃金勒香車翠鈿裝八珍羅膳府五采闔筐床
宴集喧華第歌鍾簇畫樑永期傳子姓寧誤犯天狼
未覩君除側徒思玉在傍竄身奚可保易地喜相將
國運方夷險天心詎測量九流雖暫蔽三柄豈相妨
小孽乖躔次中興繫昊蒼法堯功已普罪已德非涼
帝念惟思理臣心豈自遑詔催青瑣客特待紫微郎
定難輸宸筭勝災滅御梁皇恩思蕩蕩睿澤轉洋洋
偃卧雖非晚艱難亦備嘗舜庭招諫鼓漢殿上書囊

儉德遵三尺清朝俟一匡世隨漁父醉身効接輿狂
竄逐同天寶遭罹異建康道孤悲海溼家遠隔天潢
卒歲貧無褐經秋病泛漳似魚甘去乙比蟹未成筐
守道慙無補趨時愧不臧股牛常在耳晉豎欲潛盲
忸恨山思板懷歸海欲航角吹魂悄悄笛引淚浪浪
亂覺乾坤窄貧知日月長勢將隨鶴列忽喜遇鷺行
已報新迴駕仍聞近納隍文風銷劔楯禮物換旂裳
紫闥重開序青襟再設痒黑頭期命爵頰尾尚憂魴
吳坂嘶騏驥岐山集鳳皇詞源波浩浩諫署玉璫鉞

飼1曾傳慶烹蛇詎有殃破弓禪勁鏃匣劍淬神鎗
諤諤寧慙直堂堂不謝張曉風趨建禮夜月直文昌
去國時雖久安邦志不常良金鑪自躍美玉積難藏
北望心如旆西歸律變商跡隨江燕去心逐塞鴻翔
晚翠籠桑塢斜暉掛竹堂路愁千里月田愛萬斯箱
伴酌歌前浦隨樵上遠崗鷺眠依晚嶼鳥浴上枯楊
驚夢綠欹枕多吟為倚廊訪僧紅葉寺題句白雲房
帆外青楓老樽前紫菊芳夜燈耿耿曉露玉灑灑
異國慙傾蓋歸塗俟併糧身雖留震澤心已過雷塘

執友知誰在家山各已荒海邊登桂檝煙外泛雲檣
巢樹禽思越嘶風馬恋羌寒聲愁聽杵空館厭聞蟬
望關飛華蓋趨朝振玉璫米慙無苴苴喜有枕榔
話別心重結傷時淚一滂佇歸蓬鳥後綸詔潤青絳

夢入關

夢中乘傳過關亭南望蓮峰簇簇青馬上正吟歸去
好覺來江月滿前庭

送人歸上國

送人江上日西斜泣向江邊滿樹花若見青雲舊相

識為言流落在天涯

聞春鳥

雲晴春鳥滿江村還是長安舊日聞紅杏花前應笑
我我今惟悴羞君

櫻桃樹

記得初生雪滿枝和蜂和蝶帶花移如今花落遊蜂
去空作主人惆悵詩

獨鶴

夕陽灘上立徘徊紅蓼風前雪翅開應為不知棲宿

處幾迴飛去又飛來

新栽竹

寂寞階前見此君遶欄吟罷却沾巾異鄉流落誰相
識唯有叢篁似主人

稻田

綠波青浪滿前陂極目連雲紀稔肥更被鷺鷥千點
雪破煙來入畫屏飛

庭前菊

為憶長安爛漫開我今移爾滿庭栽紅蘭莫笑青青

色曾向龍山泛酒來

燕來

去歲龍巢別近隣今來空訝草堂新
花開對語應相問不是村中舊主人

倚柴關

杖策無言獨倚關如癡如醉又如閑
孤吟盡日何人會依約前山似故山

題七步廟

席門無計那殘陽更接簷前七步廊
不羨東都丞相

宅每行吟得好篇章

語松竹

庭前芳草綠於袍堂上詩人欲二毛
多病不禁秋寂寞雨松風竹莫騷騷

浣花集卷第五

秋末

去歲船隻別離今來空望早堂新夜雨聲
聞不是村中舊主人

侍紫閣

莫雨涼風自莫鍾鐘聲如醉又如閑孤吟盡日何人
對陳芳草秋堂上翳人將二子多病不禁愁

題詩雨廟

空舟行今對汝滿章樓簷前七步廊不羨東家丞相

浣花集卷第六

今體詩凡十七首

不出院楚公

自三衢至江酉作

一自禪關閉心猿日漸馴不知城郭路稀識市朝人
履帶階前雪衣無寺外塵却嫌山翠好詩客往來頻

江邊吟

江邊蜂蝶幾時休江上行人雪滿頭誰信亂離花不
見只應惆悵水東流陶潛政事千杯酒張翰生涯一
葉舟若有片帆歸去好可堪重倚仲宣樓

江南送李明府入關

雨花煙柳傍江村，流落天涯酒一罇。
分首不辭多不淚，迴頭唯恐更消魂。
我為孟館三千客，君繼寧王五代孫。
正是中興磐石重，莫將顛顛入都門。

送福州王先輩南歸

豫章城下偶相逢，自說今方遇至公。
八韻賦吟梁苑雪，六銖衣惹杏園風。
名標玉籍仙壇上，家寄閩山畫障中。
明日一盃何處別，綠楊煙岸雨濛濛。

夜雪泛舟遊南溪

大江西面小溪斜，入竹穿松似若耶。
兩岸巖風吹玉樹，一灘明月曬銀砂。
因尋野渡逢漁舍，更泊前灣上酒家。
去去不知歸路遠，棹聲煙裏獨嘔啞。

江行西望

西望長安白日遙，半年無事駐蘭橈。
欲將張翰秋江雨，盡作屏風寄鮑昭。

銅儀

銅儀一夜變酸灰，暖律還吹嶺上梅。
已喜漢宮今再覩，更驚堯曆又重開。
窓中遠岫青如黛，門外長江綠

似苔誰念閉閨張仲蔚滿庭雨長蒿萊

含香

含香高步已難陪鶴到清霄勢未迴遇物旋添芳草
句逢春寧滯碧雲才微紅幾處花心吐嫩綠誰家柳
眼開却去金臺為近侍更辭鷗鳥不歸來

春雲

春雲春水雨溶溶倚郭樓臺晚翠濃山好只因人化
石地靈曾有劔為龍官辭鳳闕頻經歲家住蛾眉第
幾峯王粲不知多少恨夕陽吟斷一聲鐘

雲散

雲散天邊落照和關關春樹鳥聲多劉伶避世唯沈
醉甯戚傷時亦浩歌已恨歲華添皎鏡更非人事逐
顏波青雲自有鵝鴻待莫說他山好薜蘿

袁州作

家家生計只琴書一郡清風似魯儒山色東南連紫
府水聲西北屬洪都煙霞盡入新詩卷郭邑閑開古
畫圖正是江村春酒熟更聞春鳥勸提壺

題袁州謝秀才所居

主人年少已能詩更有松軒掛夕暉芳草四合連徑
合白雲如鳥傍簷飛但將竹葉消春恨莫遣楊花上
客衣若有前山好煙雨與君吟到暝鐘歸

謁巫山廟

亂猿啼處訪高唐路入煙霞草木香山色未能忘宋
玉水聲猶似哭襄王朝朝暮暮陽臺下為雨為雲楚
國亡惆悵廟前無限一作柳春來空闌畫眉長

鷓鴣

南禽無侶似相依錦翅雙雙傍馬飛孤竹廟前啼暮

雨泪羅祠畔弔殘暉秦人只解歌為曲越女空能畫

作衣懊惱澤家非有恨年年長憶鳳城

一作皇

歸

懊惱澤家

鷓鴣之音也

宿蓬船

夜來江雨宿蓬船卧聽淋鈴不忍眠却憶紫微情調
逸阻風中酒過年年

送李秀才歸荆溪

八月中秋月正圓送君吟上木蘭船人言格調勝玄
度我愛篇章敵浪仙晚渡去時衝細雨夜灘何處宿

寒煙楚王宮去陽臺近莫倚風流滯少年

洪州送西明寺省上人遊福建

記得初騎竹馬牛送師來往御溝邊荆榛已失當時
路槐柳全無舊日煙遠自稽山遊楚澤又從廬岳去
閩川新春闕下應相見紅杏花中覓酒仙

浣花集卷第六

浣花集卷第七

今體詩凡二十六首

建昌渡暝吟

月照臨官渡鄉情獨浩然鳥棲彭蠡樹月上建昌船
市散漁翁醉樓深賈客眠隔江何處笛吹斷綠楊煙

歲除對王秀才作

我惜今宵促君愁玉漏頻豈知新歲酒猶作異鄉身
雪向窗前凍花從子後春到明追此會俱是隔年人

酒渴愛江清

酒渴何方療江波一掬清瀉甌如練色漱齒作泉聲
味帶他山雪光含白露精只應千古後長稱伯倫情
和李秀才郊墅早春吟興十韻

暖律變寒光東君景漸長我悲遊海嶠君說在柴桑
雪色隨高嶽冰聲陷古塘草根微吐翠梅朵半含霜
酒市多逋客漁家足夜航匡廬雲傍屋彭蠡浪衝床
綠擺楊枝嫩紅挑菜甲香鳳凰城已盡鸚鵡賦應狂
佇見龍亂沼寧憂鴈失行不應雙劍氣長在斗牛傍

泛鄱陽湖

四顧無邊鳥不飛大波驚隔楚山微紛紛雨外靈均
過琴瑟雲中帝子歸逆鯉似梭投遠浪小舟如葉傍
斜暉鷗夷去後何人到愛者雖多見者稀

黃藤山下聞猿

黃藤山下駐歸程一夜號猿弔旅情入耳便能生百
恨斷腸何必待三聲空雲宿處人難見望月啼時兔
正明好笑五陵年少客壯心無事也沾纓

章江作

杜陵歸客正徘徊玉笛誰家叫落梅之子掉從天外

去故人書自日邊來揚花慢若霏霏兩竹葉閑傾滿
滿杯欲問維揚一作陽舊風月一江紅樹亂猿哀

南遊富陽江中作

南去又南去此行非自期一帆雲作伴千里月相隨
浪跡花應笑衰容鏡每知鄉園不可問禾黍正離離
饒州餘干縣琵琶洲有故韓賓客宣城裴尚
書修行李侍郎舊居遺址猶存客有過之感
舊因以和吟

琵琶洲近斗牛星鸞鳳曾於此放情已覺地靈因昂
降更聞川媚有珠生一灘紅樹留住佳氣萬古清絃續
政聲戟戶盡移天上去里人空說舊簪纓

九江逢盧員外

前年風月宿琴堂大媚仙山近帝鄉別後幾沾新雨
露亂來猶記舊篇章陶潛豈是銅符吏田鳳終為錦
帳郎莫恠相逢倍惆悵九江煙月似瀟湘

南昌晚眺

一作興

南昌城郭枕江煙章水悠悠浪拍天芳草綠遮山尉
宅落霞紅襯賈人船霏霏閣上千山雨嘯嘯雲中萬

樹蟬恠得地多章句客庾家樓在斗牛邊

衢州江上別李秀才

千山紅樹萬山雲把酒相看日又曛
一曲離歌兩行淚更知何地再逢君

湘中作

千里煙樹萬重波因便何妨弔泊羅楚地不知秦地
亂南人空恠北人多臣心未肯教遷罪天道還應欲
止戈否去秦來終可待夜寒休唱飯牛歌

桐廬縣

錢唐江盡到桐廬水碧山清畫不如白羽鳥飛嚴子
瀨綠蓑人釣季鷹魚潭心倒影時開合谷口聞雲自
卷舒此境只應客客愛投文空弔木玄虛

桐廬化境客寓
上字字有誤

東陽贈別

繡袍公子出旌旗送我搖鞭入翠微
大抵行人難許酒就中亂客易沾衣
去時此地題橋去歸日何年佩印歸
無限別情言不得回看溪柳恨依依

寄湖州舍弟

半年江上愴離襟把得新詩喜又吟
多病似逢秦氏

藥父貧如得顧家金雲煙但有穿楊志塵土都無作
吏心何況別來詞轉麗不愁明代少知音

中隱無信州西三十里山名仙人城下有月巖山其
狀秀拔中有山門如滿月之狀余因行役過
其下聊賦是詩

驅車過閩越路出饒陽西仙山翠如畫簇簇生虹蜺
群峰若侍從衆阜如嬰提巖巒互吞吐嶺岫相追攜
中有月輪滿皎潔如圓珪玉皇恣遊覽到此神應迷
常娥曳霞帔引我同攀躋騰騰上天半玉鏡懸飛梯

瑤池何悄悄鸞鶴煙中棲回頭望塵世露下寒淒淒

婺州水館重陽日作

異國逢佳節憑高獨苦吟一杯今日酒萬里故鄉心
水館紅蘭合山城紫菊深白衣雖不至鷗鳥自相尋

避地越中作

避世移家遠天涯歲已周豈知今夜月還是去年愁
露果珠沈水風螢燭上樓傷心潘騎省華髮不堪秋

撫州江口雨中作

江上閑衝細雨行滿衣風灑綠荷聲金騶掉尾橫鞭

望猶指廬陵半日程

信州溪岸夜吟作

夜倚臨溪店懷鄉獨苦吟月當山頂出星倚水湄沈
霧氣漁燈冷鐘聲谷寺深一城人悄悄琪樹宿仙禽
訪潯陽友人不遇

不見安期誨上樓寂寥人對鷺鷥秋蘆花雨急江煙
暝何處潺潺獨棹舟

東林寺再遇僧益大德

見師初事懿皇朝三殿歸來白馬驕上講每教傾國

聽承恩偏得內官饒當時可愛人如畫今日相逢鬢
已凋若向君門逢舊友為傳音信到雲霄

西塞山下作

西塞山前水似藍亂雪如絮滿澄潭孤峰漸映湓城
北片月斜生夢澤南翼動曉煙烹紫鱖露和香葉摘
黃柑他年却棹扁舟去終傍蘆花結一庵

實由他曹

齊安郡

弭棹齊安郡孤城百戰殘傍村林有虎帶郭縣無官
暮角梅花怨清江桂影寒黍離緣底事撩我起長歎

夏口行寄婺州諸弟

迴頭煙樹各天涯
婺女星邊遠寄家
盡眼楚波連夢澤
滿衣春雪落紅花
雙雙得伴爭如鴛
一一歸巢却羨鴉
誰道我隨張博望
悠悠空外泛仙槎

浣花集卷第七

浣花集卷第八

今體詩凡九首

南省伴直

甲寅年自江南到京後作

文昌二十四仙曹
盡倚紅簷種露桃
一洞煙霞人迹少
六行槐柳鳥聲高
星分夜彩寒侵帳
蘭惹春香綠映袍
何事愛留詩客宿
滿庭風雨竹蕭騷

鄠杜舊居二首

却到山陽事事非
谷雲溪鳥尚相依
阮咸貧去田園盡
向秀歸來父老稀
秋雨幾家紅稻熟
野塘何處錦

鮑肥年年為獻東堂策長是蘆花別釣磯
一徑尋村渡碧溪稻花香澤水千畦雲中寺遠聲難
識竹裏巢深鳥易迷紫菊散開連井合紅榴初綻拂
簷低歸來滿把如澆酒何用傷時歎鳳兮

寄江南諸弟

萬里逢歸鴈鄉書恐淚封吾身不自保爾道各何從
性拙唯多蹇家貧半為慵祇思溪影上卧看玉華峯
今題投寄舊知

却將顛顛入都門自喜煙霄足故人萬里有家留百
越十年無路到三秦摧殘不是當時兒流落空餘舊
日貧多謝青雲好知己莫教歸去重沾巾

士對即癸丑年下第獻新先輩

五更殘月省牆邊絳旆蜺旌卓曉煙千炬火中鶯出
谷一聲鐘後鶴冲天皆乘駿馬先歸去獨被羸童笑
晚眠對酒暫時情豁爾見花依舊涕潛然未酬闕澤
傭書債猶欠君平賣卜錢何事欲休休不得來年公
道似今年

題沂陽縣馬跑泉李學士別業

水滿寒塘菊滿籬籬邊無限彩禽飛西園夜雨紅櫻
熟南畝秋風白稻肥草色自留閑客住泉聲如待主
人歸九霄歧路忙於火肯戀斜陽守釣磯

絳州過夏留獻鄭尚書

朝朝沈醉引金船不覺西風滿樹蟬光影暗消銀燭
下夢魂長寄玉輪邊因循每被時流誚奮發須由國
士憐明日客腸何處斷綠槐風裏獨揚鞭

絳州作

鷓鴣陰無樹水難流雉堞連雲古帝州帶雨曉馳鳴遠

戍望鄉孤客倚高樓明妃去日花應笑蔡琰歸時鬢
已秋一曲單于暮烽起扶蘇城上月如鉤

浣花集卷第八

...南歌...
...歸九...
...州...
...下...
...士...
...日...
...一...
...空...
...

浣花集卷第九

今體詩凡十二首

與東吳生相遇

及第後出關作

十年身事各如萍
白首相逢淚滿纓
老去不知花有態
亂來唯覺酒多情
貧疑陋巷春偏少
貴想豪家日最明
且一作獨對一罇開口笑
未衰應見泰階平

庭前桃

曾向桃源爛熳遊
也同漁父泛仙舟
皆言洞裏千枝好
未勝庭前一樹幽
帶露似垂湘女淚
無言如伴息

媯愁五陵公子饒春恨莫引香風上酒樓

丙辰年鄜州遇寒食城外醉吟七言五首

滿街楊柳綠絲煙畫出清明二月天好是隔簷花樹
動女郎撩亂送鞦韆

淮陽寒食足遊人金鳳羅衣濕麝薰腸斷入城芳草
路淡紅香白一群群

開元坡下日初斜拜掃歸來走鈿車可惜數枝紅艷
好不知今夜落誰家

馬驕風疾玉鞭長過去唯留一陣香閑客不須燒破

眼好花皆屬富家郎

雨絲煙柳欲清明金屋人閑暖鳳笙永日一作畫迢迢

無一事隔街聞築氣毬聲

宜君縣北卜居不遂留題王秀才別墅二首

本期同此卧林立櫓拙爐前擁布裘何事却騎羸馬
去白雪紅樹不相留

眼守物化騎雪字為化意

明月嚴霜撲皂貂羨君高卧正道遙門前積雪深三
尺火滿紅爐酒滿瓢

鄜州留別張員外

鄜州留別張員外

江南相送君山下塞北相逢朔漠中
三楚故人皆是夢十年陳事只如風
莫言身世他時異且喜琴樽數日同
惆悵却愁明日別馬嘶山店雨濛濛

病中聞相府夜宴戲贈集賢盧學士

滿筵紅蠟照香鈿一夜歌鍾欲沸天
花裏亂飛金錯落月中爭認綉連乾
罇前莫話詩三百醉後寧辭酒十千
無那兩三新進士風流長得飲徒憐

出關

馬嘶煙岸柳陰斜東去

一作回首

關山路轉賒到處因循

緣嗜酒一生惆悵為判花危時祇合身無著
白日那堪事有涯正是灞陵春耐綠
仲宣何事獨辭家

浣花集卷第九

浣花集卷第十

今體詩凡六首

過樊川舊居

時在華州駕前奉使入蜀作

却到樊川訪舊遊
夕陽衰草杜陵秋
應劉去後苔生閣
嵇阮歸來雪滿頭
能說亂離唯有燕
解偷閑暇不如鷗
千桑萬海無人見
橫笛一聲空淚流

長安舊里

滿目牆匡春草深
傷時傷事更傷心
車軋馬跡今何在
十二玉樓無處尋

過漢陂懷舊

辛勤曾寄玉峯前一別雲溪二十年三徑就涼迷竹
樹四隣凋謝變桑田漢陂可是當時事紫閣空餘舊
日煙多少亂離無處問夕陽吟罷涕潛然

汧陽間

汧水悠悠去似緝遠山如畫翠眉橫僧尋野渡歸吳
嶽鴈帶斜陽入渭城邊靜不收蕃帳馬地貧唯賣隴
山鸚牧童何處吹羌笛一曲梅花出塞聲

焦崖閣

李白曾歌蜀道難長聞白日上清天今朝夜過焦崖
閣始信星河在馬前

雞公嶺

去襄城縣
二十里

石狀雖如嶂山形可類雞向風疑欲鬪帶雨似聞啼
蔓織青籠合松張翠羽低不鳴非有意為怕客奔齊

壬辰八月初七日沽上所收

小雁黃裳記



是冊舊為汪闈源所臧審
係明抄第訛字太多
伯祖購以之囑族長小白先
生校正重錄不忍棄置因
以授余用誌歲月以藏
光緒六年庚辰芒種日志萬謏

壬辰十一月初二日裝記手段佳妙
塵澆之狀可稱快事 芝堂不記

張若怡然無復舊時
意



浣花集 終

